

Na osnovu člana 4, stav (5) Pravilnika s kriterijima za upis učenika u prvi razred medresa Islamske zajednice u Bosni i Hercegovini („Glasnik RIZ-a“, broj 1-2, januar-februar 2023) i člana 116 Pravila, JU Behram-begova medresa raspisuje

K O N K U R S

za upis učenika u I (prvi) razred JU Behram-begove medrese u školskoj 2026/2027. godini

Kandidati za upis u JU Behram-begovu medresu u školskoj 2026/2027. godini treba da ispunjavaju sljedeće uvjete:

- a) da nisu stariji od 18 godina, odnosno koji do kraja tekuće kalendarske godine ne navršavaju 18 godina života,
- b) da su s uspjehom završili osnovno obrazovanje prema nastavnom planu i okvirnom programu za osnovnu školu,
- c) da su završili završni razred osnovne škole s primjernim vladanjem.

Prijava i upis učenika u prvi razred u školsku 2026/2027. godinu realizirat će se isključivo online, na linku na web-stranici JU Behram-begove medrese.

Kandidati za upis neće polagati prijemni ispit.

Kandidati koji su učenici generacije u osnovnoj školi i učenici koji su ostvarili odličan uspjeh iz svih nastavnih predmeta i primjerno vladanje u posljednja četiri razreda osnovne škole, hafizi, uz ocjenu primjerno iz vladanja u završnom razredu osnovne škole, uz priložene dokumente kojima potvrđuju svoj status, stječu pravo na upis u prvi razred medrese bez daljih uvjetovanja i njima se dodjeljuju najviše ocjene i bodovi iz takmičenja.

Uz prijavu na konkurs za upis učenika u prvi razred medrese svaki kandidat će priložiti sljedeće dokumente:

1. svjedodžbu o završenom IX, odnosno završnom razredu osnovne škole,
2. uvjerenje o uspjehu u VI, VII i VIII, odnosno uvjerenja o uspjehu u tri razreda koji prethode završnom razredu osnovne škole,
3. uvjerenje o rezultatima postignutim na eksternoj maturi za učenike koji su po završetku osnovne škole obavezni polagati eksternu maturu,
4. originalne i prevedene na bosanski jezik dokumente iz tačaka 1, 2 i 3, ovjerene od strane ovlaštenog sudskog prevodioca, ako je kandidat završio osnovnu školu u inozemstvu ili u Bosni i Hercegovini po nastavnom planu i programu druge države, a rješenje o nostrifikaciji će predati nakon objavljivanja rezultata upisa, najkasnije do 31. augusta tekuće godine,
5. izvod iz matične knjige rođenih,
6. druge dokumente relevantne za utvrđivanje broja bodova za osvojeno prvo, drugo ili treće mjesto na takmičenju učenika osnovnih škola na kantonalnom/regionalnom i takmičenju na nivou muftijstva, na nivou entiteta u Bosni i Hercegovini ili na državnom takmičenju u Bosni i Hercegovini i nivou Islamske zajednice u Bosni i Hercegovini i na međunarodnom takmičenju učenika osnovnih škola.

Rok za prijavu i upis kandidata je od 1. do 17. juna 2026. godine.

JU Behram-begova medresa će objaviti rezultate upisa na svojoj web-stranici i na računima na društvenim mrežama najkasnije tri dana nakon isteka roka za prijavu kandidata.

Primljeni kandidati obavezni su preporučenom poštom ili lično dostaviti originalnu dokumentaciju u Medresu u danima 23, 24. ili 25. juna 2026. godine u periodu od 9,00 do 16,00 sati.

Dodatne informacije u vezi s prijavom, prijemom i upisom učenika kandidati mogu tražiti na e-mail: info@bbm.edu.ba.